

Penyenaraian FGVH bahaya kepada peneroka – Ku Li (dengan video)

Written by Tengku Razaleigh Hamzah

Wednesday, 22 February 2012 15:46 - Last Updated Wednesday, 22 February 2012 15:55

KUALA LUMPUR, 22 Feb: Veteran Umno, Tengku Razaleigh Hamzah berpendapat usaha kerajaan untuk menyenaraikan Felda Global Ventures Holdings Sdn Bhd (FGVH) ke Bursa Malaysia sesuatu yang bahaya kepada masa depan peneroka.

Ahli Parlimen Gua Musang itu yang ditemui Harakahdaily semalam berkata, beliau diberitahu banyak pihak bahawa apabila disenaraikan, bererti pemilikan harta khususnya tanah peneroka akan terdedah kepada pasaran terbuka.

Apabila terdedah di pasaran terbuka katanya, sesiapa sahaja termasuk pihak asing boleh datang untuk membeli saham tersebut dengan berapa harga sekalipun sekiranya mereka mampu.

Ianya akan menyebabkan peneroka bakal berdepan resiko kehilangan aset tanah-tanah mereka sekiranya pemegang saham menjual pegangan mereka.

"Kalau harga melonjak naik, pemegang saham nak rasa keuntungan, sudah tentu dia akan jual (kepada pihak lain)... bodoh la kalau tak jual untuk ambik kesempatan keuntungan.

yang lebih mesra dengan panggilan Ku Li.

Penyenaraian FGVH bahaya kepada peneroka – Ku Li (dengan video)

Written by Tengku Razaleigh Hamzah

Wednesday, 22 February 2012 15:46 - Last Updated Wednesday, 22 February 2012 15:55

Difahamkan, menurut pelan penyenaraian yang dijadual Mei ini, sebanyak 360,000 hektar tanah Felda Palantation dipajak kepada FGVH selama 99 tahun.

Selain kebimbangan hilang hak milik tanah, turut difahamkan Felda juga dijangka akan mengalami defisit tahunan sebanyak RM1.5 bilion Felda apabila menyerahkan tanah kepada FGVH.

Malah, mengulas lanjut, Ku Li yang juga bekas Menteri Kewangan berkata, jika nasib mereka tidak baik, peneroka mungkin akan diusir dari tanah yang mereka diami dan usahakan selama ini.

"Ini mati hidup peneroka ke atas tanah yang mereka telah usahakan selama ini. Kalau tanah itu dijual oleh kerana saham dijual, maka kita tak ada lagi hubungan dengan tanah itu malah tak ada hak pun nak duduk di situ.

"Saya tak tahu kerajaan ada cara lain untuk menjamin hak peneroka supaya kekal, tetapi saya tak nampak," katanya yang juga presiden NGO Amanah.

Oleh Nazri Abdullah, HarakahDaily.

link:<http://bm.harakahdaily.net/index.php/headline/8269-penyenaraian-fgvh-bahaya-kepada-peneroka-ku-li>

Video

Penyenaraian FGVH bahaya kepada peneroka – Ku Li (dengan video)

Written by Tengku Razaleigh Hamzah

Wednesday, 22 February 2012 15:46 - Last Updated Wednesday, 22 February 2012 15:55

{youtube}kJhddjzejUU|600|450|0{/youtube}